

四庫未收書輯刊編纂委員會編

四庫未收書輯刊

北京出版社

拾輯·拾伍冊

四庫未收書輯刊

四庫未收書輯刊編纂委員會編

北京出版社

拾輯・拾伍冊目錄

李文園先生全集十三卷〔清〕李中簡撰

一

綠筠書屋詩鈔十八卷〔清〕葉觀國撰

一七一

玉汝堂詩集四卷附題詞一卷年譜一卷〔清〕成文撰

二九一

擇石齋文集二十六卷〔清〕錢載撰

四〇三

遠香亭詩鈔四卷〔清〕楊有涵撰

五二一

一樓集二十卷〔清〕黃達撰

五五九

〔清〕李中簡撰

李文園先生全集十三卷

清嘉慶六年李學穎嘉樹山房刻本

嘉慶辛酉秋鐫

李文園先生全集

嘉樹山房藏板

自前明以制藝取士而經義變爲八比
海內人才畢力科舉之業別名一切撰
述爲古文詞或不能舉其體格或以浮
詞虛調號稱古文正傳而根柢之學墜
焉

國朝知其弊曾一罷八比文又設經學鴻
博諸科收羅俊彥其時作者應運彬彬
質有其文矣任邱李廉衣先生諱中簡

嘉樹山房文集

序

家聲著直北高祖某曾祖某俱以邵德
入祀鄉賢祖父某不仕居鄉有陰德先
生童叟英偉遜志篤學年十二補博士
弟子錢太傳文端公校士直隸賞異之
始自力爲詩古文辭年廿八進士高第
由詞館入

內廷與修

國史擢右中允轉左再擢侍讀督學滇南

晉侍講學士充

日講官督學山左兩以公過罷職俱奉

旨授編修旋因督學時失察冒籍降調以病
乞退凡一充總裁三充主考五充鄉會
試分校官先生在詞館與同里朱笥河
先生兄弟及紀曉嵐大宗伯齊名相切
劘一時文譽冠冕海內然杜門著述未
嘗標榜聲氣交於戈侍御濤以古道相

嘉樹山房文集

序

二

最厲死爲修服總禮故其爲學本之孝
弟以厲文行不喜空談理學以爲講學
之病在轉相師者畧文行而求深于理
理有兩端而無形可質故有門戶之見
而教術以弊其訓士以有本之學爲有
用之才飭以窮經讀史以爲古人鄉舉
里選餘力而後學文後人設科求才因
文可以見道讀時文以爲時文聲調愈

諧機法愈熟此與剽襲者無異也其校

文能摸索于糊名易書之中以應古人
敷奏以言之意以爲佳士必不苟於立
言可以言語例行誼責事功也其論文
則病其辭有枝葉與奇袤不經之作以
爲秦漢以來儒者言天侈陳報施凡好
爲奇袤之文受陰禍最深則力爲懇切
愷悌有用之文其陰陽亦最大生平植

嘉樹山房文集

序

三

學砥行大端類此先生之文宏深肅括
穆然有扶世翼教之深心其于歸震川
方靈皋尙言其得失或以爲規摹太似
或以爲運掉凌空蓋于此事三折肱焉
今世所傳誦先生應舉之牘不足窺見
一班也然先生以文學侍從臣受
知遇至深視學所至必察士風便安陳奏章
程刊布應讀書目以教諸生可爲盡職

乃以公過屢罷退未竟其用及家居恬
淡蒔花灌蔬以畢餘年又遭親屬死亡
憂患生平撰著至與老屋俱燬可不謂
之數奇與然先生沒後子若孫皆以守
承報

國有廉吏聲嗣子春舟司馬又輯先生遺
文得于煨燼之餘并購獲友人弄藏之
迹編爲六卷俾晚生後學得窺名臣言

嘉樹山房文集

序

四

行他日列文苑以傳不朽又先生造次
必于儒術之効所謂有用之文必有陰
陽及後也春舟司馬與家君同歲舉于
鄉星衍年家子又忝館後學不敢以不
文辭爲述其梗概如此館後學陽湖孫
星衍撰

嘉慶七年春座主 廉衣先生嘉樹山房集刻
既成伯子栗夫司馬寄 兆椿 檢校之 兆椿 受而
讀焉敬卒業因復於栗夫曰弟子之於先生有
訓焉終其身服膺之弗敢忘其著爲詩歌文章
賡颺 朝廷傳播天下則尤有耳目者共親聞
焉非待門人小子稱述而尊頌之也然登泰岱
者或極其高或窮其奧或得半而輒止雖各得
其所見之一端而樵夫牧豎周流天門日觀之

嘉樹山房文集

序

一

間歷有年所則引而詢泰山之勝賢士大夫莫
樵牧若者其習久則所見真也 兆椿 出 先生
門下三十三年矣 先生早侍 講幄再躋再
起以文學受 知遇出督學政入司衡校恒以
育英才拔國士爲 國家急然官不登三品壽
不越七十教澤洽於庠序而政化未布於蒼黎
徒本此通經致用之實流露於語言文字之間
詞潔而義宏氣充而理達嚴重典實肅然穆然

舉世所尚掇緝隱僻以矜奇梳櫛字句以鳴古
 標榜附和求未遺本而無益於用者不足以當
 先生之一盼是則 先生之詩之文固有德者
 之言易所云修辭立其誠者而非庸儒俗士之
 所克幾及也 兆椿 年少時幸奉 先生教人事
 悠忽無所成就老與栗夫同官江南又未能推
 先生經術之醇以達於政事俯仰門牆顏有慙
 焉然不敢脂韋洩湜媚人以求合剥民以肥已
 嘉樹山房文集 序 二

區區之心則自承教於 先生始世之讀斯集
 者其毋河漢斯言也夫壬戌之秋七月既望受
 業雲夢許兆椿謹序



嘉樹山房文集目錄卷一
 聖謨廣運平定準噶爾賦
 萬壽無疆頌

皇太后萬壽無疆頌

聖駕南巡賦

律中林鍾賦

陽禮教讓賦

廳中列遠岫賦

心畫賦

一一吹竽賦

嘉樹山房文集 卷上之一 目錄 一

蟬始鳴賦

守歲賦 補

嘉樹山房文集

任邱李中簡廉衣著

男學顏栗去氏授梓

賦頌卷一

聖謨廣運平定準噶爾賦 謹序

乾隆十九年秋

皇上駕幸熱河受準噶爾降人

詔討其亂二十年三月大軍分道入皆風靡無敢蘇刃五

月會于伊犁達瓦齊就擒準夷平竊惟準夷負固久

自絕于天不悛大割我

嘉樹山房文集 卷一 賦頌

皇上示以羈縻垂二十年然後收之以不戰定之以崇朝

聖武大業澹然而成威惠所孚積累至深遠也 謹拜手

稽首而獻賦曰

維

大清受命

聖聖繼承德耀九有威暢四溟愍中外以提福靡荒遐而憺

稜萬國元靜蕩侯休德敷天釋恩率土受職東南一

尉西北一侯森襟帶之環拱震車書而輻輳若夫西

城門戶遑中十部北幕藩翰五城保衆扼以玉門陽

關之重險表以葱嶺祁連之天作車師則屯更校尉

瀚海則府開都護軼成算于往昔示懷柔于大度蓋

我朝毫岐肆征威信素著故大定以來不煩一矢之

加而指臂驅者以千百數惟準噶爾始以有元遺孽

竄伏西戎蠶食諸番怙遠自雄世濟泉獵之凶德長

育胎卵于深叢伏稽

聖祖仁皇帝赫焉撻伐三駕窮邊寬渠授首禁街是懸鐸功

施諾之高峯飲馬臚胸之深淵暨我

世宗憲皇帝騰太白發狼弧天戈一揮摧朽拉枯拍婆草之

軀氓匪盡取而殲諸乃飭邊防乃裕國儲俾疆本以

弱末畫寧人之遠圖我

嘉樹山房文集 卷一 賦頌

皇上嗣位以來聿念白狼赤虺之多種也飲乾翹蹙之易

動也得之不足以爲富服之不足以爲勇則姑予以

不加不臣以俟其沐和餐恩而純誠自悚也夫何逆

酋篡竊自絕人理孽豎披猖效尤罔已跳跟叫呶以

干天紀唇吻反噬角距還抵親離析潰若瘡疥倡

義者敬關而歌孔邇聞風者內嚮而怨遺已

帝有閔焉咨于在廷非常之原衆慮異情

帝曰懋哉維

天維

祖宗懲遺緒功以課予成矧無辜顧天避水火其可以寧於

是合天人之謀基萬變之策信有孚之盈在觀豚魚
之自格沛陽春之雨膏盪大漠之毒螫曰汝班第惟
北軍是帥取彼罪人用申投畀曰汝永常惟西軍是
將赫赫薄伐以靖我土疆爾乃飭方連于閩外出虎
旅于禁中稟機宜于

丹陛載

明威以折衝雖有層冰之嵯峨將抗足而登之雖有弱水
之滌滌將振甲而馮之鷺鶴既整龍鳥斯張旌旆戈
鋌沛焉洋洋倚燕然之長劍扶朔雲而頓開吹輪臺
之曉角盪流沙以西頽乃陟高山穹碑斯存曰此我

嘉樹山房文集

卷一 賦類

三

聖祖駐蹕之察罕七羅也乃臨巨津厥流渾渾曰此我

聖祖逐北之克魯倫河也茂草尙苗于荒磧流泉自湧于沙
沱歎真宰之效靈閱萬禩而不磨狼居胥建大河之
濱有還我師氏羌萬羣跪有羔禮行如馬臣聆

天語之纓纓抱馬足以謹呼誓誓面以歸命願執戈以前
驅會二軍于伊犁收青海之游魂降四部之台吉繫
渠魁于轅門走名王而負矢靖游牧之窟穴鼓勁風
而掃敗葉回日月而照霜雪杭靄陳兵則陣雲崢嶸
玉闕報捷則天馬蹀躞魑魅革面逃聽望風崑崙月
竊疆宇大同護羌所制屬國所通

帝有錫命嘉乃膚功

帝有大猷蘇彼困窮新毗澹于沈灾枯瘠起于溝中露板
宣檄檻車徵俘前軍凱歌振旅旋都澍雨洗兵溫風
扇旆笳鼓喧喧而競陳緹騎駸駸而交會歸簡鎗于
武庫之藏數軍實于司馬之會建太常而書上勲張
廣樂而行大賚蓋猶是周官蜩翼服不銜良除害又
如講武西郊一瘞夫突豕與封狼遂合圍乎天山青
海之外於是冊府啟

絲綸宣肆類

上帝咸秩名山精禋格于

嘉樹山房文集

卷一 賦類

四

七廟告成事于天懌

珠丘之靈爽練時日以薦虔念孝治之不遺欣普天之同歡
熙

鴻號于

慈寧沛大澤于八埏百禮舉

皇情舒天門洞開劍佩羣趨儼東西之分序輯五瑞以合
符受下國之共球覽王會之全圖椎髻鬚首之倫綴
耳彫腳之衆蒙奇兜勒之譯山川珍寶之奉生金丹
砂之獻禽管路竹之貢止戈脩文織錦成頌舞邱羌
之翔鸞儀西申之鳴鳳舍以上林蒲萄之閒館優以

牲牽饌廩之常供穆穆乎鴻臚之班序雍雍乎理藩
之迎送莫不畢湛露之三爵沐太和以愔愔顧遠人
其何幸庇覆載于高深相西醜之怙惡若穹谷之自
沈願依天而有路承親上而同心粵稽厄魯特效順
于

國初也貢其九白以倡西北諸國厥後金山陸梁自取
誅殛苞有遺孽奄焉假息於今六十年矣運有流而
必返物無往而不極今且授以歲時土其疆域血氣
之倫盡取而亨毒之殖有禮覆昏暴時維欽崇代天
工也虞格載于二典殷克垂于大易時維丕釐得聖
嘉樹山房文集 卷一 賦類 五
師也祇觀揚于

世室儼陟降于左右時維作配繼志述事之大者也然則景
命方迓大同之期叶氣流春九垓均禧方將使拂菻
獻其神鳥林邑輸其名香軒轅格其壽民吉雲貢其
天漿綿西宇而橫南極被青野而亘元方象來致福
維休無疆豈徒規撫虞夏約畧漢唐誌怪奇于山海
之閱歷誇盛美于史氏之鋪張云爾哉敬作頌曰
皇撫景運澄八遼兮有狡憑險踰以跳兮天弧右彎搭妖
旄兮雷動風散

聖武昭兮經緯日月周索包兮瀨瀨和寧干戈頓兮乾亨

坤慶鴻鈞調兮杞梓競敷蘭蕙翹兮梧禽激響騰在
郊兮天酒五采成甘膏兮雷灑萬里來青霄兮小臣
和聲備懽謠兮

萬壽無疆頌 謹序

臣聞維皇錫福維德凝禧聖人出則降誕紀其初王
澤深則弗祿申其後宸樞電繞發軒帝之祥華渚星
流啟金天之祚際淳風之榮晏納景福之滂洋祝頌
莫善乎華封贊贊不資乎神筭以陰陽為端以四時
為柄以星辰為紀建五位而悠久同符以日月為光
以雨露為澤以雷霆為威御六龍而貞元合撰納蒸
嘉樹山房文集 卷一 賦類 六
黎於壽域德協無為躋庶類於春臺民知有慶協于
靈之景運昭萬世之去休斯並章焯乎圖書奚啻炳
煥乎史冊欽惟我

皇上統壹苞符鑄銘顯嶽垂衣幾幅襲氣母以包元吟德
懷和扇仁風而曼壽羣生餐挹衡樽開百福之宗一
氣甄陶金鏡立萬年之范具茨訪道仰味義農大寶
書箴俯尋周孔勲華首出峻德冠於虞書

膳寢承歡懿範饒乎世子聯九宗之好蕭露濃濃篤二號之
親棟華韡韡兼以經綸左右大雅參樞近之班羅剔
耶圖茂士備薪樵之選道旁蔭囑廣周武之至仁晨

且調風契殷宗之高躅思艱於易無間於暑雨祁寒
圖匱於豐普照於窮檐節屋動得天度止得地意

德光昭以中孚上及泰清下及泰寧協氣流而旁逕固已
乾亨坤慶統八表而均禧

皇度天儀彙三才而歛福矣且夫在疊造經綸之日則創
業爲艱當丕承佑啟之年則守成匪易故前人沐雨
栴風之業既昭示乎來茲而繼體觀光揚烈之勤倍
求詳於始事仰惟

聖祖仁皇帝繼天協

聖六十年之覆露共戴生成洎我

嘉樹山房文集

卷一 賦頌

七

世宗憲皇帝奕葉重光十三載之聲明益宏漸被救寧南夏

綏定方隅維是西醜之跳梁尙遲會朝之滌盪

皇上武苞七德義正萬方念

列聖未竟之勲厘一夫不獲之懼授鉞雪臺分符玉帳龍沙

過枕席之師

神謨電發

聖策風行鉦鼓掃梟狼之窟聽短簫之樂聲高鼓吹鏐歌

建隆竭之文義壓燕然劍關金犀純績爭冠帶於

皇州火鼠燭龍共梯航於

王會雁臣入贊蒙竒編屬國之司狼頌成章韞樓通象背

之譟瞻風候律南車或導夫竒肱驗信沐和湛露普
沾乎區脫通亘古莫遏之聲教敷天率土悉

主悉臣隸百王未隸之版圖出日海隅同文同軌蓋合

兩朝之盛德大業留未成之緒以默屬

皇衷而萃萬世之帝典王章建無尙之規以而稽天若當
王師因壘奏功之會正萬國稱觥祝嘏之辰於斯時也遐
邇嚮風中外禋福戎亭卧鼓慶九服之清怡備館盈
紳頌三靈之和晏舜陞紀明良之盛戈偃征苗周京
誦愷樂之文詩傳宴鎬宜受其球于下國圖職貢於
明堂竭臣子之至情顯邦家之大慶

嘉樹山房文集

卷一 賦頌

八

皇上履謙成性歸善爲心薦

世室之馨香雲深松棟助

慈寧之遊豫日永

璇扉載見求章頌

純嘏而方連類首邁追來孝述

大訓而億兆承流永念天庥敬求民瘼阜成爲寶不矜照乘
之來俊又堪珍無取連城之貢至於琳宮紺宇散花
雨以紛綸勝地名山建穹跌而載葉爲兆民惜物力
爲百爾勵官常皆諒親上之同心未許媚茲之自獻
乃有幡幡黃髮終惠林泉炯炯丹忱長懸

黼座俾其江湖娛老遲

玉殿之瞻依約以梓里迎

鑾奉

安輿之燕喜登上理於唐文皇質莪高履厚莫不尊親藎

睿思於志矩心衡衣德紹聞要歸恭儉爾乃澄十洲之鏡

璧日光華披五嶽之圖卿雲紉綬鳳麟在數識文運

之大成桂玉成林卜彙征之襲吉

乙夜下求賢之

詔天門蕩蕩以全開四科來觀國之賓蒞榜煌煌而大啟

秋生閭苑飄桂子之奇香春到瀛洲

嘉樹山房文集

卷一 賦頌

九

賜櫻厨之上宴川嶽之貢珍自獻太平有象潤

鴻業以文章乾坤之道寶咸登

壽考作人佑

純禧于雅頌欣逢

令節慶迂

昌期合千八百國之歡呼莫稱

恩施之廣統四海九州之忭祝難名報答之忱臣奉節南

天馳心

北闕情殷愛日依葵藿以抒誠禮效呼嵩比芹暄而獻

悃敬成九頌恭祝

萬年

景命第一

皇帝景命保定自天

德雍神庥靈祉蟬聯伴昔比崇儀臣象乾有敷義林斟酌

道淵是以方駕乎黃軒

法

祖第二

皇帝法

祖曰惟至仁民應如草

帝澤如春匪啻如傷痍瘰乃身甘露時雨滲漉無垠是以

嘉樹山房文集

卷一 賦頌

十

無限乎尊親

大孝第三

皇帝大孝祇奉天經彩輿調仗鳴玉

慈庭仰視天章鈞鈐朗明鴻釐大來延嘉載生是以維則乎

昭清

勤政第四

皇帝勤政未明求衣屏書無逸簡心萬幾陞廷師師昧爽

書思待漏之記退朝之詩以窺

聖德之緝熙

睿文第五

皇帝唐文六藝大光慶雲薰風康歌明良奎文寶閣金薤

琳琅江河地紀雲漢天章以擬

聖謨之洋洋

聖武第六

皇帝聖武始定金川繼取準首遂來大宛安西郡縣殷贍

綿聯民不知兵通譯天邊是以哀對乎敷天

繁祉第七

盛德至矣維福祿林繁祉

聖躬萬國歡心瀕瀕和寧載謳載吟黃髮飲玉卉服執禽

以同游泳於高深

嘉樹山房文集

卷一 賦頌

十一

寶瑞第八

收收玉燭寶瑞豐融志氣之應諸福來同信星昭見

澄醴芬釀嘉況自天名山升中以萃顯慶於

聖躬

效法第九

維天行健維地安貞維

皇效法維福履斯成日華復旦南極耀精大德必得詩書

有徵萬方長仰乎貞明

皇太后萬壽無疆頌

謹序

臣聞箕疇衍福壽開百順之先孔席傳經孝立三才

之極古帝發祥有自則總星流電繞胥符瑞應於圖

書聖王歸善爲心則合靈蔚川增大備隆儀於尊養

肇自金行木運景命佑乎神人夕膳晨羞至德通乎

上下樂萱幃之畫永雲七加餐愛蘭館之春長琬與

行慶則鴈賓德下逮康侯竹露裴英載編太史蓋宮

名長樂本先天之純懿以集鴻釐而階秀延嘉聚應

地之休禎以昭豫順欽惟我

皇上元苞啟泰當五百之昌期寶籙凝禧綿十千之景祚

鑄銘萬善紹

世德以作求餐挹羣生鼓皇風而建極職貢則海隅候律白

嘉樹山房文集

卷一

十二

環丹雘偕麟鳳以充庭版章則月竄來賓黑齒雕題

就郊原而擊壤粵稽時雍於帝世十二州之耕田鑿

井含生共戴乎堯天而咏篤祐於周京八百年之乾

泰坤亨純嘏先基於文母茲於乾隆二十六年十一

月恭遇

皇太后八旬萬壽於時景運重熙貞符迭見玉衡散彩十洲

澄壁日之光金簡披圖八表煥卿雲之彩煌煌朱草

馴呦鹿于

上林翠華碧梧響靈禽於

禁苑沐舒長之化日士女陶陶都豐靖之康年舞歌粲

榮百穀用成五材無胥氤氲皆和氣之微丹青寶宇
宮微山川揚詡盡淳風之應爾乃日躔南陸律應黃
鍾畫漏初長添五紋之繡線光風徐汜飛一縷之霞
灰玉漏聲稀

夙駕修問

安之典彤扉影動法筵康介

壽之章六宮仰德冠之儀雍雍

蘭馭九嶷頒禮宗之式藹藹椒塗桐葉成陰映帶金庭之

砌棣華競秀回環玉沼之波時則蕩蕩層城迢迢閭

苑雲璈送響鳳管流聲絳節廻翔金母駐西池之駕

嘉樹山房文集

卷一 賦頌

圭

綵幢縹緲殊姑泛東海之鴈披五嶽之真形圖名蓋

地悠八風之淑氣琯號昭華允神聽之旣和信

天顏之有喜爾乃惟騰

楓陛并洽葵衷苗小草于春臺俱分

慈照溥薰風于壽域共助

天儀

御園張近日之坊步逶迤乎花洞廣樂叶鈞天之奏聽

響咎乎經壇太平莊外聯開幾句之抵清梵寺前曼

衍角龍之戲珠歌一串凝華露于仙盤字舞雙飛現

彩芝于雲葉以至橋分玉竦貝宮湧碧海之觀島簇

金龍絳闕引瓊輪之駕散雨花于白塔金石千聲望
煙海于紅門雲霞萬狀蓋自十六年薄海稱觥重逢

大慶自今億萬歲敷天獻頌永固

純禧所以雲漢作人再被無方之化

絲綸錫類疊沾逮下之仁爰將際化日之昌熙奉

安輿之遊豫

六飛于邁時巡慰江國之思萬國來同節屋徧

寢門之德恭惟

皇太后宮中堯舜含元毓

聖

嘉樹山房文集

卷一 賦頌

十四

鴻慈立萬福之宗我

皇上德邁成康察地明天

大孝維萬方之則以莫不庶猗與曠古之遭逢是謂大同

允矣光天之舞蹈臣本微生恭逢

盛世栽培得地衆養銜

恩昔年綵服迎

鑾曾效山呼于

北闕茲者皇華奉節徒瞻

天喜于東山敬依三領之規用上

萬年之祝

景祺第一

懿樂

天庥

皇祚景祉

世室承德方軫軼姬七曜遵度九垓均禧榮晏之會砥屬之

期笙歌由庚再庥由儀躋仁壽域中外福祿

至德第二

聖母至德端壹誠莊穆穆

璇宮

金天啟祥

嘉樹山房文集

卷一 賦頌

五

令節含元九如稱觴

安輿周遊宮梅泛香草木依被春暉載陽

純嘏彌性弗祿斯康

大孝第三

皇帝大孝備養以尊

龍袞翼翼鳴玉

堯門華萼蟠桃祗侑

清飡霞觴載舉

慈顏悅溫瑞協玉符星耀天孫仰洞天光俯貫厚坤

嗣徽第四

椒庭謫謫

綸翟祁祁克嗣徽音左右

慈幃縣圖翠披紫鳳青芝海山圖開羽葆葳蕤漢宮位號周

官典儀含和表淑

聖母載怡

本支第五

周京篤祐本支繁昌銀潢毓慶璿璣騰芳

聖慈怡弄煦育春陽蘭玉岐嶷大雅洋洋深仁廣孝蘊藝含

章朴舞

彤闈翼翼鏘鏘

嘉樹山房文集

卷一 賦頌

六

陸廷第六

輝輝鵷序爰集陸廷待漏躋濟鳳樓晨星大樂風迴

綵仗霞明祝嘏

聖慈

皇慶攸成詞臣珥筆以效和鳴沈博典麗煥於漢京

浹宙第七

普天率土莫不尊親

皇孝浹宙萬國懽忻天降地出山海之珍牽扛擔負有來

如縻西極月竊南窮海垠香花煙海歌頌同春

天聲第八

大孝不置單於得名

聖慈餘慶以播寰瀛中田茅茹首占葉征厚薄之積各延厥

生丹鳳容與廬傳

天聲惠風徐來感彼勾萌

萬年第九

皇敷錫福四表被光協氣茂臻繁祉穰穰觀臺之載圖牒

所詳寶賁大來川嶽會昌照景飲醴萬方悅康億萬

斯年

慈慶無疆

聖駕南巡賦

謹序

嘉樹山房文集

卷一 賦頌

七

乾隆二十六年恭逢

聖母皇太后七旬萬壽慶典明年正月

皇上祇奉

聖母安輿南巡江淮東南至於海脩舊章也蓋自重光協洽

之歲以逮元熙敦睦十年之間

三幸江國皆所以奉

聖慈之遊豫行慶施惠以迓

天庥江海氓庶雲趨雷抃望幸

恩澤臣供職滇南不得與于珥筆末行效薄技以紀太平

盛典瞻望

行殷棟企難名謹拜手稽首而獻賦曰粵若稽古軒轅氏

之爲帝也撫萬民度四方拔山通道東至於海南至

於江委登熊湘合符釜山監於萬國萬國和而百神

享天錫寶鼎夢賚風牧節用五材勞動心目是以德

配健行而道符享壽依古聖人有天下者多不自暇

逸或五載而巡方嶽或十二年而輟珪璧自唐虞三

代以來未之有易也欽惟

皇上紹

列聖之德輝集百王之義問鼓洪鈞以鑄陶播霜露以肅潤

愬八埏以均禧與四時而比信真海宇於孟覆法天

嘉樹山房文集

卷一 賦頌

十六

行於掌運於是歲在元熙淑景芳菲舉時邁之曠典

奉遊豫乎

慈幃乃

詔禮官考典儀頒舊章于

朝宁沛大號于

綸屏抃山氓與澤庶肅天神與地示

皇上乃以元日祈穀祇告行事諏吉日陳

儀衛緹鼓萬騎鈎陳七萃建華旗之矯旒鳴玉鸞之噦

噦雨師灑途風伯扶軼遂乃風舉雲搖先觀歲甸桑

乾之流砥平掘鯉之橋星貫嘉耆民之游敖宛淳風